

Broj: 01-04-2- 301/2018

Sarajevo, 25.08.2018.

Na osnovu člana 20. Statuta Fonda za zaštitu okoliša Federacije BiH („Službene novine Federacije BiH“, broj 33/06), te odredbi člana 70. stav (3) Zakona o javnim nabavkama („Službeni glasnik BiH“, broj 39/14), direktor Fonda za zaštitu okoliša Federacije BiH donosi

ODLUKU

o izboru najpovoljnijeg ponuđača

I

Najpovoljnijem ponuđaču GLOBTOUR EVENT d.o.o. Sarajevo, ponuda broj: 13/2018 od 28.08.2018. godine, u postupku javne nabavke usluga posredovanja u prodaji avionskih karata za potrebe Fonda za zaštitu okoliša Federacije BiH, dodjeljuje se okvirni sporazum o nabavci usluga posredovanja u prodaji avionskih karata, sa ukupnom vrijednošću u iznosu od 25.000,00 KM bez uračunatog PDV-a.

II

Ova odluka objavit će se na web stranici Fonda za zaštitu okoliša Federacije BiH istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke usluga, broj: 01-04-2-255/2018 od 31.07.2018. godine. Javna nabavka je sprovedena putem otvorenog postupka. Ukupna procijenjena vrijednost javne nabavke bez PDV-a bila je 25.000,00 KM.

Obavještenje o nabavci broj: 1382-1-2-37-3-23/18 objavljeno je na e-Portal javnih nabavki dana 06.08.2018. godine u 10:09 sati, a sažetak obavještenja o nabavci objavljen u Službenom glasniku BiH, broj 55/18 od 10.08.2018. godine.

Tendersku dokumentaciju preuzelo je 4 (četiri) ponuđača, a 2 (dva) ponuđača su dostavili ponude u predmetnom postupku nabavke. U skladu sa provedenim postupkom javne nabavke, ponude su dostavili sljedeći ponuđači:

- dana 27.08.2018. godine u 15:53 sati (broj protokola: U-04-3223/18) dostavljena ponuda ponuđača RELAX TOURS d.o.o. Sarajevo, Alekse Šantića br. 5, 71000 Sarajevo;
- dana 28.08.2018. godine u 11:06 sati (broj protokola: U-04-3224/18) dostavljena ponuda ponuđača GLOBTOUR EVENT d.o.o. Sarajevo, Dr Silve Rizvanbegović br. 32, 71000 Sarajevo.

Krajnji rok za prijem ponuda bio je 28.08.2018. godine do 12:00 sati.

Komisija za javnu nabavku formirana Rješenjem o imenovanju komisije, broj 01-04-2-282/2018 od 27.08.2018. godine (u daljem tekstu: Komisija) pristupila je javnom otvaranju ponuda dana 28.08.2018. godine u 12:15 sati, te je konstatovala da su dostavljene ponude gore navedenih ponuđača blagovremene i prihvatljive o čemu je sačinila zapisnik o otvaranju ponuda, te kopiju istog dostavila navedenim ponuđačima putem faksa u skladu sa članom 63. stav (6) Zakona.

U skladu sa članom 63. stav (7) Zakona, Komisija je provela postupak provjere kvalifikacije ponuđača i ocjene ponuda na zatvorenoj sjednici, te je nakon izvršenog pregleda i ocjene istih utvrdila:

- da ponuda ponuđača RELAX TOURS d.o.o. Sarajevo, broj: 17-08/18 od 17.08.2018. godine sa ponuđenom cijenom u iznosu od 65,00 KM bez uračunatog PDV-a ispunjava sve uslove propisane u tenderskoj dokumentaciji;
- da ponuda ponuđača GLOBTOUR EVENT d.o.o. Sarajevo, broj: 13/2018 od 28.08.2018. godine sa ponuđenom cijenom u iznosu od 20,00 KM bez uračunatog PDV-a ispunjava sve uslove propisane u tenderskoj dokumentaciji.

Komisija je prilikom sačinjavanja zapisnika o otvaranju ponuda i evaluacije pristiglih ponuda ocijenila da je ponuđena cijena ponude ponuđača GLOBTOUR EVENT d.o.o. Sarajevo, broj: 13/2018 od 28.08.2018. godine neprirodno niska, odnosno cijena ponude navedenog ponuđača je za više od 20% niža od cijene drugorangirane prihvatljive ponude. S tim u vezi, a imajući u vidu odredbe člana 66. stav (1) Zakona o javnim nabavkama i člana 17. stav (7) tačka b) Uputstva za pripremu modela tenderske dokumentacije i ponuda, Fond za zaštitu okoliša Federacije BiH je dana 30.08.2018. godine pod brojem: 01-04-2-3526/2018 uputio zahtjev ponuđaču GLOBTOUR EVENT d.o.o. Sarajevo za obrazloženje ponuđene cijene.

Dana 04.09.2018. godine putem faksa broj 38733466368 pristigao je dopis navedenog ponuđača sa obrazloženjem ponuđene cijene u kojem se navodi da ponuđenom cijenom agencijske usluge ponuđač neće ostvariti veliki profit, što i nije osnovni izvor prihoda ponuđača. Nadalje, ponuđač navodi da je službeni i ekskluzivni partner međunarodne tvrtke Carlson Wagonlit Travel u Bosni i Hercegovini koja je specijalizirana za pružanje efikasnih i inovativnih rješenja u organizaciji putovanja, sastanaka, i slično. Između ostalog, u dopisu se navodi i to da je osnovni cilj ponuđača ostvarivanje prometa, poboljšanje reputacije u poslovnim krugovima i proširenje referentne liste što će svakako mnogo značiti ponuđačevim budućim apliciranjima na tendere.

Tačkom 4.7. tenderske dokumentacije propisano je da se ugovor o nabavci usluga posredovanja u prodaji avionskih karata za potrebe Fonda za zaštitu okoliša Federacije BiH dodjeljuje ponuđaču koji je dostavio najbolje ocijenjenu formalno-pravno prihvatljivu ponudu. Kriterij za dodjelu ugovora je najniža cijena.

Nadalje, tačkom 5.12. tenderske dokumentacije ugovorni organ je odredio da će se nakon prijema, otvaranja i analize ponuda provesti e-aukcija u skladu sa sa Pravilnikom o uslovima i načinu korištenja e-aukcije („Službeni glasnik BiH“, broj 66/16).

Ugovorni organ je u skladu sa uslovima tenderske dokumentacije, a nakon ocjene prihvatljivosti pristiglih ponuda, zakazao e-aukciju putem sistema eNabavka na web stranici www.ejn.gov.ba za dan 13.09.2018. godine u 09:00 sati.

Dana 13.09.2018 godine okončana je e-aukcija u trajanju od 10 minuta, te je ugovorni organ dobio obavijest Agencije za javne nabavke BiH o uspješno završenoj e-aukciji i najpovoljnijem ponuđaču. S tim u vezi, utvrđuje se konačna rang lista ponuđača:

1. ponuda ponuđača GLOBTOUR EVENT d.o.o. Sarajevo, broj: 13/2018 od 28.08.2018. godine sa ponuđenom cijenom u iznosu od 20,00 KM bez uračunatog PDV-a;
2. ponuda ponuđača RELAX TOURS d.o.o. Sarajevo, broj: 17-08/18 od 17.08.2018. godine sa ponuđenom cijenom u iznosu od 65,00 KM bez uračunatog PDV-a.


Nakon provedenog postupka provjere kvalifikacije ponuđača i ocjene ponude, te nakon zakazane i provedene e-aukcije, Komisija je sačinila i dostavila direktoru Fonda za zaštitu okoliša Federacije BiH zapisnik o pregledu i ocjeni ponuda, broj: 04-2-214/18 od 19.09.2018. godine koji ujedno predstavlja i izvještaj o radu Komisije, zajedno sa preporukom o izboru najpovoljnijeg ponuđača, broj: 04-2-215/18 od 19.09.2018. godine.

Uzimajući u obzir rezultate provedenog postupka, odnosno činjenicu da je kriterij za izbor najpovoljnijeg ponuđača „najniža cijena“, kao blagovremena i prihvatljiva ponuda smatra se ponuda ponuđača GLOBTOUR EVENT d.o.o. Sarajevo, sa cijenom od 20,00 KM bez uračunatog PDV-a, te se okvirni sporazum o nabavci usluga posredovanja u prodaji avionskih karata sa ukupnom vrijednošću u iznosu od 25.000,00 KM bez uključenog PDV-a dodjeljuje izabranom ponuđaču.

U skladu sa naprijed navedenim, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke može se izjaviti žalba u roku od 10 (deset) dana od dana prijema ove odluke.



DIREKTOR
[Signature]
Dr. sci. oec. Fuad Čibukčić

Dostaviti:

- GLOBTOUR EVENT d.o.o. Sarajevo
- RELAX TOURS d.o.o. Sarajevo
- Sektor za finansije
- a/a